

## Disgrifiad o Addysg Uwch yn Lloegr, Cymru a Gogledd Iwerddon

Yn Lloegr, Cymru a Gogledd Iwerddon<sup>1</sup>, mae sefydliadau addysg uwch yn gyrrff annibynnol, hunanlywodraethol sy'n weithredol mewn addysgu, ymchwil ac ysgoloriaethau. Cânt eu sefydlu gan Siarter Frenhinol neu ddeddfwriaeth, a chaiff y rhan fwyaf eu hariannu yn rhannol gan y llywodraeth.

Caiff addysg uwch (AU) ei darparu gan nifer o fathau gwahanol o sefydliadau. Yn ogystal â phrifysgolion a cholegau prifysgolion, sydd â siarteri a statudau a wneir drwy'r Cyfrin Gyngor sy'n cynghori'r Frenhines ynghylch caniatáu Siarteri Brenhinol ac ymgorffori prifysgolion, mae nifer o sefydliadau a ddynodir yn gyhoeddus ac sy'n annibynnol yn y sector addysg uwch. Mae darpariaeth addysg uwch a ariennir yn gyhoeddus ar gael mewn rhai colegau addysg uwch gan awdurdod sefydliad arall sy'n meddu ar y grym priodol. Gellir cynnal addysgu er mwyn paratoi disgyblion ar gyfer dyfarniad cymwysterau addysg uwch mewn unrhyw sefydliad addysg uwch ac mewn rhai colegau addysg bellach.

### Pwerau dyfarnu graddau a'r teitl 'prifysgol'

Mae pob prifysgol a nifer o golegau addysg uwch yn meddu ar y pŵer cyfreithiol i ddatblygu eu cyrsiau eu hunain a dyfarnu eu graddau eu hunain, yn ogystal â phenderfynu'r amodau y cânt eu dyfarnu. Mae rhai colegau a sefydliadau arbenigol AU nad oes ganddynt y pwerau hyn yn cynnig rhaglenni, gydag awdurdod datganoledig o raddau amrywiol, sy'n arwain at raddau sefydliad sydd yn eu meddu. Mae pob prifysgol a oedd yn bodoli cyn 2005 yn meddu ar y pŵer i ddyfarnu graddau ar sail cwblhau cyrsiau a addysgir a'r pŵer i ddyfarnu graddau ymchwil. O 2005, mae sefydliadau yng Nghymru a Lloegr sydd ond yn dyfarnu graddau a addysgir ('cyloch cyntaf' neu 'ail gylch') ac sy'n bodloni rhai meini prawf rhifiadol, yn meddu ar yr hawl i ddefnyddio'r teitl 'prifysgol'. Gall sefydliadau addysg uwch sydd ond yn dyfarnu graddau a addysgir ond nad ydynt yn bodloni'r meini prawf rhifiadol, wneud cais i ddefnyddio'r teitl 'coleg prifysgol', er nad yw pob un dewis gwneud hynny.

<sup>1</sup> Mae gan y DU system o lywodraeth ddatganoledig, gan gynnwys ar gyfer addysg uwch i'r Alban, i Gymru ac i Ogledd Iwerddon. Caiff y disgrifiad hwn ei gymeradwyo gan y Fforwm Polisi Lefel Uchel sy'n cynnwys cynrychiolwyr o Adran ar gyfer Busnes, Arloesedd a Sgiliau, Llywodraeth yr Alban, Llywodraeth Cynulliad Cymru, y Cynghorau Cyllido Addysg Uwch ar gyfer Lloegr, yr Alban, a Chymru, yr Asiantaeth Sicrhau Ansawdd (QAA), Universities UK (UUK), GuildHE, a'r Ganolfan Gwybodaeth Cydnabyddiaeth Genedlaethol ar gyfer y DU (UK NAIRC).

Mae pob un o'r sefydliadau hyn yn ddarostyngedig i'r un sicrwydd ansawdd rheoliadol a gofynion ariannu â phrifysgolion; ac mae pob sefydliad yn penderfynu drostynt eu hunain pa fyfyrwyr i'w derbyn a pha staff i'w penodi.

Yn gyfreithiol, mae graddau a chymwysterau addysg uwch eraill yn eiddo i'r sefydliad dyfarnu, ac nid y wladwriaeth.

Mae enwau'r sefydliadau â'u pwerau dyfarnu graddau eu hunain ("Cyrrff Cydnabyddedig") ar gael i'w lawrlwytho yn:

<http://www.dcsf.gov.uk/recognisedukdegrees/index.cf m?fuseaction=institutes.list&InstituteCategoryID=1>

Mae sefydliadau addysg uwch, colegau addysg bellach a sefydliadau eraill sy'n gallu cynnig cyrsiau yn arwain at radd Corff Cydnabyddedig yn cael eu rhestru gan awdurdodau Lloegr, Cymru a Gogledd Iwerddon, ac fe'u hadwaenir fel "Cyrrff Rhestredig". Edrychwch y rhestr yn:

<http://www.dcsf.gov.uk/recognisedukdegrees/index.cf m?fuseaction=institutes.list&InstituteCategoryID=2>

### Cymwysterau

Caiff y mathau o gymwysterau a ddyfarnir gan sefydliadau addysg uwch ar lefel isradd ac israddedig (cyloch cyntaf) a lefel ôl-raddedig (ail gylch a thrydydd cyloch) eu disgrifio yn y Fframwaith ar gyfer Cymwysterau Addysg Uwch yn Lloegr, Cymru a Gogledd Iwerddon (FHEQ). Mae hyn hefyd yn cynnwys disgrifyddion cymwysterau a ddatblygwyd yn y sector AU gan yr Asiantaeth Sicrhau Ansawdd ar gyfer Addysg Uwch (QAA - a sefydlwyd ym 1997 fel corff annibynnol y DU gyfan i fonitro safonau'r ddarpariaeth addysg uwch - [www.qaa.ac.uk](http://www.qaa.ac.uk)). Hunanardystiwyd fod FHEQ yn gydnaws â'r Fframwaith ar gyfer Cymwysterau Ardal Addysg Uwch Ewropeaidd, y fframwaith cymwysterau a fabwysiedir fel rhan o'r Broses Bologna, ym mis Chwefror 2009. Cafodd graddau sylfaen, a gynlluniwyd i greu dyfarniadau canolraddol sydd wedi'u cyfeirio'n gryf tuag at gyfleoedd cyflogaeth penodol, eu cyflwyno yn 2001. Yn nhermau'r Ardal Addysg Uwch Ewropeaidd maent yn gymwysterau "cyloch byr" yn y cyloch cyntaf. Un gydran yn Fframwaith Credyd a Chymwysterau Cymru (FfCChC) yw FHEQ. Mae'r Awdurdod Cymwysterau a Chwricwlwm (QCA), Yr Adran Plant, Addysg, Dysgu Gydol Oes a Sgiliau (APADGOS) a Chyngor Arholi ac Asesu'r Cwricwlwm, Gogledd Iwerddon (CCEA) wedi sefydlu'r Fframwaith

Cymwysterau a Chredyd (i gymryd lle, dros amser, y Fframwaith Cymwysterau Cenedlaethol (NQF)). Mae'r awdurdodau hyn yn rheoleiddio nifer o gyrff proffesiynol, statudol a chyrrff dyfarnu eraill sy'n rheoli VET a chymwysterau cyffredinol ar bob lefel. Hefyd, mae'r QCF wedi'i ymgorffori yn y FfCChC. Mae cysylltiad agos rhwng lefelau'r FHEQ a'r NQF (a ddangosir drosodd), a fframweithiau eraill y DU ac Iwerddon (gweler 'Gall Cymwysterau groesi Ffiniau' <http://www.gaa.ac.uk/standardsandquality/otherrefpoints/Qualsboundaries09.pdf>)

### Sicrhau Ansawdd

Caiff safonau academiaidd eu sefydlu a'u cynnal gan sefydliadau addysg uwch eu hunain drwy ddefnyddio ystod helaeth a soffistigedig o ymagweddau a strwythurau sicrhau ansawdd sy'n cael eu rhannu. Mae safonau ac ansawdd mewn sefydliadau yn cael eu tanategu gan y defnydd cyffredinol o arholwyr allanol, set safonol o ddangosyddion ac adroddiadau eraill, gan weithgareddau'r QAA ac mewn meysydd proffesiynol gan gyrff proffesiynol, statudol a rheoleiddio perthnasol. Mae hyn yn sicrhau bod sefydliadau yn cwrdd â disgwyliadau cenedlaethol a ddisgrifir yn y FHEQ: datganiadau meincnodi pwnc, y Cod Ymarfer a manylebau'r rhaglen. Mae QAA yn cynnal archwiliadau ac adolygiadau, sy'n seiliedig ar adolygiadau cymheiriaid, o sefydliadau addysg uwch gyda chyfle ar gyfer adolygiadau sy'n seiliedig ar y pwnc pan fo angen. Mae cywirdeb a digonolrwydd gwybodaeth yn ymwneud ag ansawdd a gyhoeddir gan y sefydliadau addysg uwch hefyd yn cael ei hadolygu. Mae QAA hefyd yn adolygu darpariaeth addysg uwch mewn colegau addysg bellach a ariennir yn gyhoeddus.

### Systemau Credyd

Mae'r rhan fwyaf o sefydliadau addysg uwch yn Lloegr a Gogledd Iwerddon yn perthyn i un ymhlith nifer o gonsortia credyd ac mae rhai yn gweithredu systemau casglu a throsglwyddo credyd lleol ar gyfer myfyrwyr sy'n symud rhwng rhaglenni a/neu sefydliadau. Lanswyd fframwaith o ganllawiau cenedlaethol, y Fframwaith Credyd Addysg Uwch i Loegr, yn 2008. Mae credyd hefyd yn rhan annatod o'r FfCChC a'r QCF. Gall fod yn bosibl i ddarparwyr addysg sydd â chymwysterau sy'n rhan o un fframwaith gydnabod credyd a ddyfarnir mewn fframwaith gwahanol. Mae systemau credyd AU a ddefnyddir yn Lloegr, Cymru a Gogledd Iwerddon yn gydnaws â'r System Trosglwyddo Credyd Ewropeaidd, a chânt eu

defnyddio i gydnabod dysg y mae myfyrwyr wedi ei gael mewn sefydliadau mewn mannau eraill yn Ewrop.

### Derbyn

Y cymhwyster mwyaf cyffredin ar gyfer cael mynediad at addysg uwch yw'r Dystysgrif Addysg Gyffredinol ar lefel 'Uwch' (A). Gall cymwysterau lefel 3 NQF a'r Diploma mynediad at AU, sydd â nod barcud, ddarparu mynediad at AU hefyd. Mae cymwysterau Lefel 3 yn y FfCChC, gan gynnwys Bagloriaeth Cymru, hefyd yn darparu mynediad, fel y mae *Highers*, *Advanced Highers* neu gymwysterau ar yr un lefelau yn Fframwaith Credyd a Chymwysterau'r Alban. Gall myfyrwyr rhan-amser ac aeddfed gael mynediad at AU gyda'r cymwysterau hyn neu rai eraill sydd â thystiolaeth eu bod yn gyfwerth cyn dysgu ffurfiol a/neu drwy brofiad. Bydd sefydliadau yn derbyn myfyrwyr y maent yn credu sy'n meddu ar y potensial i gwblhau eu rhaglenni'n llwyddiannus.